

北洋官報

目錄

宮門抄
 上諭 交旨
 奏議○民政部奏保存古蹟章程摺△又奏內外城設戒
 煙官局片△東督錫等奏請留用暨投効各員摺△
 國督松奏設省城商中審判廳摺
 公牘○憲政編查館咨一件△度支部咨一件△督憲札
 一件△學司札二件
 文告三則△電報七則△新聞十二則
 彙編○南洋武備出品協會章程
 圖畫○蘇州絲紗廠第二圖

本報今日加印照片一頁

本局第一百十三期法政學報現已出版

宮門抄

八月二十五日 外務部 欽天監 侍衛處值日 慶王因子授缺謝 恩 振貝子謝授鑲紅蒙都統

恩 葛寶華謝授禮部尙書 恩 溥良謝授察哈爾都統 恩 吳郁生謝署法部左侍郎 恩

延侯 文熙各請假十日 內閣奏派驗放大臣 派出禮王 李殿林 張英麟 熙彥 召見軍

機 葛寶華 溥良 文華 籌辦海軍處各遞封奏一件 外務部遞封奏二件代遞錢恂奏摺二封

上諭

八月二十五日內閣奉

上諭著派榮慶鹿傳霖充 實錄館正總裁欽此

交旨

八月二十五日 軍機大臣欽奉

諭旨翰林院侍讀文華奏江蘇學界習染賭風亟宜認真查禁一摺著學部知道欽此

西歷一千九百九年十月九號

禮拜六

第一千二百十七册

奏議錄要

民政部奏保存古蹟推廣辦法另行酌擬章程摺

奏爲保存古蹟推廣辦法另行酌擬章程恭摺具陳仰祈 聖鑒事竊臣部職掌原有保存古蹟事項嗣於光緒三十二年十二月二十日接收工部劃歸事宜案卷各省每於年終造具古昔陵寢先賢祠墓防護無誤冊結報部原所以景行前哲資人觀感也惟是奉行日久已成具文查各國民政應行保存古蹟事項範圍頗廣如埃及金字塔之古文希臘古廟之雕刻羅馬萬里古道邦渾發掘之古城下至先賢一草一木故廬遺物或關於歷史或涉於美術雖至纖悉亦無不什襲珍藏因之上自皇家下迄草野廣如通都僻在鄉壤咸有博物館儲藏品物以爲文明之觀耀而其保存通例凡兵燹時他國不得毀壞毀壞者可責賠償著爲萬國公法故其館歷時至久衆物至夥我中國文化之開先於列國古昔聖哲聯肩接踵所遺之蹟應亦倍蓰於他邦乃至今而求數千年之遺蹟反不如泰西之多者則以調查不勤保存不力故也因而海外洋商不惜鉅貲赴我內地購買古代碑版石刻圖畫造像之類運至本國皮藏寶貴著書摹印以爲誇耀者絡繹不絕夫我自有之而不自寶之視同瓦礫任其外流不惟於古代之精神不能浹洽而於國體之觀瞻實多遺憾臣等公同商酌於陵寢祠墓以外推廣調查保存兩項辦法謹擬章程繕單恭呈 御覽如蒙 俞允卽由臣部咨行步軍統領衙門順天府各直省將軍督撫都統按照新章認真辦理每屆年終將辦理情形造具清冊報部再由臣部彙齊奏 聞所有保存古蹟推廣辦法各緣由理合恭摺具陳伏乞

皇上聖鑒謹 奏宣統元年八月初七日奉 旨依議欽此 (章程另錄)

民政部奏內外城巡警總廳設立戒煙官局請立案片

再臣部前經會同度支部奏定禁煙稽核章程內有通飭各地方官設立戒煙官局一條欽奉

諭旨允准當

即飭令內外城巡警廳遵章試辦在案查內城戒煙局設在大興縣署側外城戒煙局設在東茶食胡同自開辦以來居舍務求潔淨飲食務求合宜所用中西藥品務求盡善使入局之人皆忘戒煙之苦並派員宣講絕其再吸之心數月以內已戒淨數百餘人邇來入局求戒者日有增益所有經費即於所收牌照捐款內開支由內外城巡警總廳申請 奏明立案前來臣等覆加查核辦理尙爲妥協自應准予立案嗣後該局戒淨人數擬即援照官醫院章程接季彙奏一次以覘成效並令該局人員加意勸導務期首善之地沈痾永除以爲各省之表率謹附片具陳伏乞 聖鑒謹 奏宣統元年八月十七日奉 旨知道了欽此

東三省總督錫良奉天巡撫程德全奏請將調用暨投効得力各員擇尤留省摺

奏爲奉省政務殷繁謹將調用暨投効得力之正佐各員援案擇尤留省俾資任使恭摺仰祈 聖鑒事竊維爲政以得人爲本而用人尤以儲才爲先奉省本無分發人員向就投効中擇其才堪任使者酌量奏留補用歷經循辦在案自改設行省以來新政聿興差缺既多委員較衆除歷次奏留暨新章分發到省人員量才器使外每遇差委仍苦乏才自應於先後調用暨在奉充差之投効正佐各員內逐加甄擇彙奏留藉收羣策羣力之效茲查有甘肅補用道胡承諫等九十七員或供差有年勤明穩練或辦事得力爲守兼優按照部定奏留人員新章尙無不合謹繕單恭呈 御覽合無仰懇 天恩俯准將該員胡承諫等各以本班及對品相當之缺留奉補用並請援照歷屆留奉舊案免交離省及分發各項銀兩以示體恤出自 逾格鴻慈其有應行引 見驗看人員統俟補用後再行給咨送部以符定制除將各員履歷咨部外理合恭摺具陳伏乞

皇上聖鑒訓示謹 奏宣統元年八月十九日奉 硃批該部知道單併發欽此

謹將調奉及投効正佐各員擇尤留省繕單恭呈 御覽 計開 甘肅補用道胡承諫 候選道于駟輿 歐陽朝華 分省試用知府金衍海 分省補用知府林慶琪 知府銜選用同知沈明善 分省補用直隸州知州趙恭寅 黃澂 陳亮功 候選同知吳實蕃 直隸州用分缺間選用知州王芸 山東試用知州劉文馥 安徽補用知縣劉章慶 捐復降調浙江即用知縣壽椿 河南候補知縣王景松 四川補用知縣因國璋 分省儘先補用知縣蔣志廉 分省補用知縣趙鵬第 李光第 葆廉 紀鉅珩 何嘉采 分省試用知縣周祐

楊國棟 祝鶴年 國璋 候選知縣黃懋祺 羅瀨 王浣 劉毓麒 范陳舜 王秉鐸 劉康 張國光
劉蔭椿 揀選知縣李錦沅 孟慶榮 夏士藩 王述善 艾德元 吳守坤 候選通判吳鑑 指分山東試
用通判馬紹眉 升用知州候選布經歷蔣允仁 簽分廣東直隸州州判陳保懷 候選直隸州州判廖維綱
候選直隸州州同孫熙 分省試用州同盧宗呂 王家儉 江蘇試用布理問宗振光 知縣用選用鹽庫各大
使夏冕 候選鹽大使諸德衣 直隸試用府經歷朱毓采 候選府經歷陶樸 姚貽孫 王沛 湯文鎮 哈
德桂 曾瀚選 雷森 狄寶祺 謝嗣鴻 梁國瑞 張錫晉 陳翼 史恩慶 鮑道隆 李逢春 知縣用
直隸候補縣丞曾紀馨 知縣用候選縣丞趙宗謨 湖南補用縣丞陳體禮 優貢湖北補用縣丞駱路 分省
試用縣丞裴應和 劉秉鈞 候選縣丞吳鳳周 楊葆益 吳大銓 朱裕祥 徐思明 王鴻文 吳祖培
顧曜 夏俊寶 孫昌 常毓 馬宗煥 選用縣丞馬祖光 王杜存 分省試用巡檢郝紹先 候選巡檢張
蘊宏 吳端綺 指分浙江試用從九品鄭廣陶 安徽試用從九品黃金輝 候選從九品曾兆甲 易圖丞
考職典史林樹榮 山西試用典史余均 宣統元年八月十九日奉 硃批覽欽此

閩浙總督松壽奏籌設省城商埠各級審判廳辦理情形摺

奏爲籌設省城及商埠各級審判廳謹將辦理情形恭摺具陳仰祈 聖鑒事竊查憲政逐年籌備事宜清單內
開本年應籌辦省城及商埠等處各級審判廳等因閩省籌備立憲業將應辦事宜按年分限辦理而籌設審判廳
尤爲立憲最要始基不容稍事延悞吾國司法一事從前定制責令州縣兼理其案牘之積壓胥吏之騷擾恐在所
不免現當實行立憲自宜將審判一項分員而治各專責成惟官制尙未大定若將司法與行政遽爾劃分亦不無
阻礙惟有切實推行遂求完備茲就省城先設高等審判廳一所閩侯兩縣分設地方審判廳各一所初級審判廳
各一所附郭之南台商賈輻輳詞訟繁多應設地方審判廳一所初級審判廳一所廈門爲商埠最繁之區亦應設
地方及初級審判廳各一所以爲舉辦之先聲省城高等審判廳暫附設於福州府署應設廳丞一員以福州府知
府任之閩侯兩縣地方審判廳均暫附設於縣署應設推事長各一員以閩侯兩縣知縣任之閩縣初級審判廳暫
附設於城內警務一局侯官初級審判廳暫附設於城內警務二局應設推事各一員均以警務總巡官任之南台

地方審判廳暫附設於福防同知署應設推事長一員以福防同知任之南台初級審判廳暫附設於警務四局應設推事一員即以警務總巡官任之廈門地方審判廳暫附設於廈防同知署應設推事長一員以廈防同知任之廈門初級審判廳暫附設於廈門警務二局應設推事一員以警務正印委員任之以上應設各級檢察廳亦各附之俟辦有端倪再行分別擇地建設其高等審判廳除廳丞外又另設推事典簿主簿錄事各一員高等檢察廳除檢察長外另設檢察錄事各一員地方審判廳除推事長外另設推事典簿主簿所官錄事各一員地方檢察廳除檢察長外另設檢察官錄事各一員初級審判廳檢察廳均取單獨制以推事檢察官各一人主之准由廳員錄用書記生各一名查府廳州縣原有應領廉俸毋庸另設津貼其餘檢察長推事等員應給公費尙難確定暫行酌給薪水尤以不用胥差力除積弊另設書記庭丁爲入手辦法所有各廳開辦及常年用款均暫由藩庫籌撥作正開支此時官制未定司法尙難獨立其地方一切詞訟自可劃歸審判廳審理至京控省控案件仍照常由臬司督同發審局審辦其刑事如命盜姦拐會匪棍徒等項重案並有關招解奏咨緝處分各案以及秋審大典均請仍照舊制辦理應俟規模大定各廳成立再行統歸各廳審辦限本年七月內分別開庭期無誤明年成立之期並於省垣法政學堂附設研究所使講習法政各員於肄業之餘入所研究審判規則藉以培養審判人材日後通設各級審判廳卽以此項人員按其成績高下分別委用等情由福建藩學臬三司會詳請 奏前來查審判廳之設原期收回治外法權司法與行政固不容牽混查核該司等所擬辦法請暫以地方官署附設審判廳意在使各員實地練習不至臨時失措籌辦伊始不妨暫准照辦惟原定期限成立卽在明年仍當督飭將未盡事宜認真妥籌並將法庭及辦公處所趕緊擇地興築或就空閒公所酌改俟成立時另再詳細 奏報總期推行無阻無愆於司法精神日益振起仰副 朝廷勵精圖治之至意除咨憲政編查館法部查照外所有籌辦省城及商埠各級審判廳緣由理合恭摺具陳伏乞

皇上聖鑒再福甯府三都商埠開闢未久商賈寥落各級審判廳應請暫從緩設合併陳明謹 奏宣統元年八月二十一日奉 硃批該衙門知道欽此

公牘錄要

憲政編查館咨催各衙門查照單開各節未辦事件依限舉辦文併單

為預行咨催事案查本館奏定設立考核專科章程內開一九年籌備事宜欽遵

諭旨責成內外臣工每屆

六個月將籌辦成績臚列奏聞並咨報憲政編查館查核應自光緒三十四年八月起至十二月底止為第一屆以後每年六月底暨十二月底各為一屆限每年二月內及八月內各具奏咨報一次俟報到本館後查核所辦是否核實於每年四月內及十月內各分別殿最彙奏一次一本年應辦事宜查有尚未籌辦奏報者由館行文該衙門咨催一次以後每年二月八月查明是年應辦事宜行文京外各衙門預行咨催一次如屆限尚有未經奏到者另行專案酌量分別奏咨催辦各等語查光緒三十四年第一屆京外各衙門籌辦憲政情形業經本館於四月內遵限考核具奏奉

旨咨行在案復查本年為籌備之第二年計應核訂頒布籌辦舉行各事宜共十四條分隸本館及會議政務處資政院民政部度支部學部法部修訂法律大臣各省督撫等衙門前於二月內業經本館遵章預行咨催一次現查資政院章程已奏明頒布各省諮議局選舉均已陸續報齊城鎮鄉地方自治研究所亦陸續具報籌辦設立茲又屆八月預催之期除督飭館員將本館應辦之事依限認真辦理外應即照章開單預行咨催為此合咨貴口請煩查照單開各節各就本衙門查明未辦之件督飭所屬依限舉辦仍遵前奉

諭旨每屆六個月將籌辦成績臚列奏聞並咨報本館查核毋稍延誤可也

宣統元年應行籌備事宜 一舉行諮議局選舉各省一律開辦(各省督撫辦) 一頒布資政院章程舉行該院選舉(資政院各省督撫同辦)

一籌辦城鎮鄉地方自治設立自治研究所(民政部各省督撫同辦) 一頒布

廳州縣地方自治章程(民政部憲政編查館同辦) 一調查各省人戶總數(民政部各省督撫同辦) 一調查

各省歲出入總數(度支部各省督撫同辦) 一釐訂京師官制(憲政編查館會議政務處同辦) 一編訂文官

考試章程任用章程官俸章程(憲政編查館會議政務處同辦) 一頒布法院編制法(憲政編查館修訂法律

大臣同辦) 一籌辦各省省城及商埠等處各級審判廳(法部各省督撫同辦) 一核訂新刑律(憲政編查館

辦) 一頒布簡易識字課本創設廳州縣簡易識字學塾(學部各省督撫同辦) 一頒布國民必讀課本(學部

辦) 一廳州縣巡警限年內粗具規模(民政部各省督撫同辦)

度支部咨行在京各衙門迅造三十四年分統計表冊送部編纂文

爲咨行事統計處案呈本部上年具奏遵設統計處請 飭在京各衙門各將該衙門光緒三十三年分全年經費及所管一切出入款目迅速造具表冊隨時送部等因一摺奉 旨依議欽此當經刷印原奏恭錄

諭旨咨行欽遵辦理在案旋准各該衙門將三十三年分統計表冊陸續填送前來現在三十四年分應造統計表冊又逾半年相應咨行各該衙門迅將三十四年分應造表冊分別款目詳細填報以憑編纂可也

督憲端據山海關道呈籌辦疏濬遼河情形咨請外務部查照辦理文

爲咨呈事據山海關道周長齡呈稱案奉憲台札開准 外務部咨開宣統元年四月初四日准美柔使照稱本大臣茲與英德日本各大臣會商營口遼河行船一事均願請速行設法維持近年來東三省大吏已明晰遼河旁出支流有礙行船若速設善法辦理亦能免此困難并悉營口情勢因河流旁出處所距正河邊岸有三英里之遙若不急行設法定致運務不能靈通於此興盛口岸受損殊非淺鮮該處口岸現既有日形淺涸之病沿岸所設卸貨碼頭自必全歸無用於中外商人建造資本豈不大半虛擲該河若欲改去分流河道須待新河大定數年方能移設碼頭至此時商人已去而之他難以復歸營埠至此數年每年由營口經行之船約有二萬五千餘隻現在只剩有五千餘隻之數均因此路不易行船之故萬不可不集工興修以免該埠將來之衰敗現據專門工程師勘估如速行開工經費尙不甚鉅只須有二十萬銀元足敷應用駐營口美英德日本四國領事迭與地方官相商該員亦視爲至要約已稟知督憲惟於籌款興工辦法尙未商定該埠衰象現已日深若延至不能不修之時所用經費必行過鉅在營口商務四國居多所有貨物惟恃河流輸送甚望本年夏季所興之工就緒俾遼河水不旁流再將正河應如何酌修方保河流永遠順軌等因前來查遼河支流旁出有礙行船如能設法興修於中外商務均大有裨益據該使來照謂英美德日各領迭與地方官相商該處經行之船約有二萬五千餘隻工程師估勘經費亦不甚鉅究竟此事情形如何相應咨行貴大臣查照轉飭該地方官詳速查勘核辦仍咨覆本部以便轉覆該使可也等因到本大臣准此合行札飭札到該道即便查照辦理具覆核咨等因奉此并奉 東三省督憲 奉天撫院札同前因查營口係航路交通之商埠運輸貨物惟恃遼河遼河運道爲三省商業之咽喉實爲營埠商業之命脉關係

非輕疏濬誠不可緩去年冬奉 升任東三省督憲徐飭據英工程司秀思查勘報告修濬全河工程分作三段一雙台子河築滾水堤工程二間於通江子營口淤淺各處疏挖工程三營口京奉鐵路車站附近之鴨島修築工程三項之中以雙台子工程爲最要蓋雙台子河實爲遼河旁出之支流下游水力微薄不能冲刷河泥日積淤淺大率由此此項工程估需工款十萬元奉飭由職道就地籌款興辦業經籌議息借商款抽收遼河來往牛槽船捐爲抵還分六年清償詳訂船抽章程并治河規則呈奉 東三省督憲 奉天撫院批准照辦現正鳩工庀材趕速辦理其間於通江子營口等處疏挖工程及鴨島修築工程估需工料各款三十餘萬元現亦陸續籌辦惟因工大款鉅籌備不易尙難尅時定議至往來遼河運載之牛槽船從前極旺時約有八九千艘甲午後遂見稀減庚子後河道梗阻毀壞更多近年河運無利船戶以折閱改圖亦復不少調查現在實祇二千八九百艘所有奉飭籌辦疏濬遼河情形並查明現在遼河往來船隻數目除分呈 東三省督憲 奉天撫院外理合呈請憲台查核示遵並請咨明 外務部查照轉覆實爲公便等情到本大臣據此相應咨呈 貴部謹請查照辦理可也須至咨呈者

學司札催各屬儒學廩生考出歲貢額數並考試日期文

爲札催事案查前奉 部飭廩生考出歲貢每年於三月九月內兩次舉行由各該儒學按照向章查取應貢各生年歲三代歷次考取等第及補廩奉文年月日期科舉幾次清冊並印甘結申送投考如係三月送考者准於二月底到津九月送考者准於八月底到津聽候定期考試等因業經通飭遵照在案茲又將屆九月考試之期特再申明定章定於八月三十日務各齊集報案該學應貢額數開列於後合行通飭札到迅即傳知應考各生如期到津切勿自悞再各該學所備考貢試卷大小參差厚薄不一實不足以昭鄭重應即依照優拔例一律由司備卷該學無庸備送可也仰即遵照辦理此札

學司據省視學報告建昌縣高等小學教授精詳情形札飭該縣傳諭嘉獎文

爲札飭事案查該縣高等小學堂教授精詳管理嚴肅學生饒有尙武精神而國文書法成績優美又能服從公義不涉囂張具此精神庶無愧國民教育據省視學報告前來本司深爲佩慰茲特賞給該堂扶世翼教四字匾額一方以示優異該堂長李紳沐霖才長心細志在造就一般特色國民督率教員熱心教育尤爲全省學務中不可多

得之人員仰卽傳諭嘉獎仍望該堂長等始終罔懈成就最良善之學風以爲全省表率有厚望焉特札

文告錄要

督憲批示錄要○運司詳口北商人何福成與蒙鹽公司訂議合同請轉咨立案由 批據詳已悉仰候咨明 度支部查照立案照抄合同存送此繳○深州稟傳習所遵章改爲教練所由 批據稟已悉仰警務處查照飭知 此繳

藩台批示○景州學生任光第呈 批爾買驛頭既在里相集就近投稅有州主印票可憑如果並無影射偷漏取巧情弊該捕官豈能將印官憑照遽行註銷作廢呈情支離本難准理惟控關科罰虛實均應澈究既據控府飭州查覆候札飭河間府俟該州覆到卽轉詳本司核奪爾卽回籍靜候可也○清苑縣商人王華亭呈 批既據控經保定府飭縣覆訊候札飭清苑縣迅速秉公斷結詳銷爾仍赴縣投質可也

臬台批示○涿州職員董廷蔭來司呈控一案 批查此案業經該州文牧錄覆該前州駱牧傳集兩造証佐環質因光緒二十八年該職捐納功名需錢涇中人楊峻峯將地兩段共一頃零一畝當給周允中計價錢三千三百昂言明三年回贖嗣因周允中不願放贖有李海從中說合讓該職找價連原價共合寶銀二千一百九十六兩該職親筆分立典契兩張有中人楊峻峯陳仲五均在契內畫押周允中之子周瑞找同中人當面交付該職當面收清嗣該職因按錢價回贖不允控經該州傳集訊明斷令該職於原中定年限滿時按照當契所載之價備銀贖回兩造遵斷具結未及詳銷卸事經接任文牧詳蒙 尹憲批銷在案是該前州駱牧訊斷尙爲公允該職尙復何求如謂周姓不交地內錢糧當初當地時歸何人納糧契內亦應寫明周姓何敢堅抗不納該職遣抱復控已蒙 尹憲批駁該職當從此息訟毋庸來轅屢控不准併飭

電報錄要

路透電○英皇現在巴洛莫拉地方特召上議院議員前外部大臣蓋斯唐侯爵赴該處議事蓋氏擬於明日啓程前往聞財政表式將可大加刪改因上議院已經認可又聞英政府擬將地稅裁撤以便將入款稅加增一本尼又電○奧皇以公爵崇銜加與福丹南德親王之夫人聞該親王之夫人擬於西十一月往柏林一遊拜晤德后并

往漢納威爾地方陪觀射獵會

柏林電○德國報界因張中堂辭世甚爲歎惜

又電○德國海軍大將克斯德氏在紐約演說謂英美德三國須同心保持大局

又電○德國陸軍大將葛洛氏擬請假三月在土遊歷

又電○俄國駐德京公使署財政委員米利爾氏現在補授俄國商務大臣

又電○西班牙駐德京公使宣言西班牙政府不願與摩王哈非德氏決裂亦不願佔據摩國泰田拉士并通智爾之處

又電○南美洲巴拉圭國現有亂事

新政紀聞

政治

派員編輯政書○前任黑龍江省黑水廳鄭毅珊太守接奉程雪帥來函因鄭太守現在賦閒無事請將自庚子以後副都統將軍巡撫任內辦過各事如善後交涉實邊設治練軍興學立憲自治屯田實業各要政擇尤編輯成書並商請周少帥准其提借各司局處卷宗云云現聞鄭太守擬擇定寬敞房屋一所約請前次同事各人均盡義務速行成事

杏報模範監獄落成○贛省建造模範監獄仿照鄂省形式鳩工建造現已落成經馮中丞將籌辦改良監獄辦法以及工程事宜詳細報告 法部查核

學務

牌示考試舉貢日期○直隸傳學台以本年應行考試保送舉貢業經遵奉 禮部 奏案通飭各屬遵照現定十月二十日齊集天津聽候示期考試並將保送成案重行牌示各生遵照矣

地學會設立事務所○天津學界創設中國地學會講求中國山川道里及地質特產有關學理各事業由發起人在河北第一蒙養院設立事務所公推東西各文編輯員並擬九月初四日再開議會一次云

各校成績展覽會之辦法○浙江寧波校員會報告各學堂成績展覽會辦法業經府教育會提議贊成現在擬定規則一通成績之種數分五項如下 一作文 二算草 三合音 四圖畫 五手工該會以聚集小學成績使教員學生便于觀摩爲宗旨凡各屬小學堂均有應此會徵集成績之義務會期定九月十月內行之每日上午九時開會下午四時閉會惟應徵集之成績須於八月二十五日前一律寄到

軍政

緝私營兼管地方○江北提台據紳士許鼎霖等面稱海贛流阜安等處匪徒借禁糧外出爲辭聚衆攔搶緊要處所共有十一處非多派兵隊不足以弭亂萌等情王聘帥以江北無隊可派惟該處向有鹽捕緝私營駐紮特電請兩江督院通飭凡有緝私營無巡防營駐紮地段即令兼任彈壓地方之責似此兵力稍紓於地方亦有裨益張安帥已電准照辦矣

通飭整頓兩淮營規○兩淮運司吳都轉示諭略謂兩淮水陸緝私各營規則不謹流弊滋多本署司到任以來即有所聞諄諄訓告不啻三令五申該管帶等各具天良亟應振刷精神力求整頓乃訪聞近來各營弊端仍所不免除再派員嚴密訪察外合亟出示曉諭爲此示仰哨弁勇丁人等一體知悉務將以上各節有則改之無則加勉以肅營規而收實效嗣後如有前項不法情事定即惟該官長是問該哨弁勇丁人等併即懲辦不貸其各凜遵

財政

札催議覆印花稅辦法○度支部奏准試辦印花稅咨行江督蘇撫札飭司道通飭各屬遵照部文部章預爲籌備限半月內明晰具覆現蘇撫又札飭各道略謂今查時將兩月迄未見一處覆到該道等責任督催何竟任聽延緩殊不可解案關各省通行票紙即日頒到限期迫促斷難再任宕延且此項稅章辦法條理繁密若不先時研究並察酌地方情形妥籌預備勢必臨時茫無措手非推行阻滯即流弊叢生商民疑慮觀望多所障礙將無成效可觀札道飛飭各屬立遵節次轉行部文部章體察地方情形會商城鄉紳董妥籌預備限文到十日內詳晰條議具覆勿再宕延干咎云

加徵田房稅契辦法○蘇省膏捐議展期一月至九月初一日停收並即開辦土店牌照捐惟牌照捐款項爲數無多以抵膏捐虧短甚鉅現經撫院與司道籌議以田房稅契一項本則三分收稅擬令照加三倍以九分收稅如契面一千兩則收九十兩並須清查漏稅田房一律勒令補稅以期抵補短收膏捐之款已通飭各屬定於八月十六日起一律加稅飭縣將加收之銀儘數解送藩庫聽候撥用

監理官派員催辦表冊○鄂省正副監理財政官前會同清理財政局總會辦傳齊各署局會計委員公同決議限定三十三年表冊於本月初十日造齊現已逾限多未辦安特分派各科人員至各署局催辦聞所派各員藩署係楊科長學恒萬科員成春學署係包科員安保安保巡警道署係瞿科長長齡善後局係吳科長應內席科員德輝云

實業

農業講習所添植樹木○奉天勸業道曾於省北設有農業講習所一處原種有柳林五行計數千株屢被竊伐現該所又添植楊柳榆等樹約十數畝深恐不肖之徒盜竊毀伐特呈請該道轉行該管警局一律妥爲保護

附設女工廠之辦法○鄂督陳筱帥以現在年歲荒歉物力艱難是以批准在工藝廠附設女工廠分別刺綉縫紉紡織三科雇用女師招收女徒傳習一藝俾謀生計業已詳定章程七條 一女工技師雇用女工分科傳習並

用年老穩練之女司事二人監察工作由工藝廠委員常川稽察勤惰 二女徒先招三十名年在十五歲以上三十歲以下均可入廠學習心靈手敏者習圖畫刺綉其次習裁衣縫紉又其次則習漂染紡織均以一年畢業

三女徒初進廠者自備膳費三月以後則由廠內給膳一年爲畢業其有程度不到者再展習半年即可出廠謀生如願留廠工作則給以相當之工值 四女徒除工作外每日抽出一小時聘請女師爲之講解字義五六

字每年積成七八百字即接讀蒙學初等教科書一年以後冀可粗識文字以符教養兼施之義 五女徒進廠之始須由其父母翁姑或邀親族一人來廠述明姓名住址作爲保證人方准入廠學習庶無來歷不明等弊

六女徒工作鐘點及休息日期悉照工藝廠辦理 七女徒除工作之外放工時一律出廠不得在廠內住宿刻已出示招生矣

職員任務

- 一本協會設幹事總長一員由軍界同人推舉主持一切重要事宜
- 二陳列部長一員 主持本會各項出品陳列事項
- 三經理部長一員 主持本會一切佈置及經濟庶務等事
- 四駐所幹事 常川駐本協會所設事務所稟承幹事總長辦理一切應辦事宜
- 五調查幹事 專任調查關於武備出品事宜
- 六主任出品幹事長 分門擔認各項出品
- 七駐所書記 專辦本協會日行文牘
- 八臨時陳列幹事員 無定員開會時分任陳列事項
- 九臨時經理幹事員 無定員開會時分任經理事項
- 十臨時書記員 無定員開會時襄理一切公牘文件
- 十一駐本會事務所司事生一員臨時司事不定員稟承部長及駐所幹事料理庶務
- 十二駐本會事務所司書生一員臨時司書生不定員稟承部長及駐所書記抄寫文件
- 十三本會全體職員每月訂定某日爲常會期以便會商一切

出品宗旨

- 一引起觀會者重視軍隊之觀念而發達國民尙武之精神
 - 二表揚物質文明之進步與軍隊有重要關係使實業家知注重軍用品
 - 三使軍隊中人知與世界各種事業同時競爭不至自甘退後
 - 四軍隊內部借以研究比較以求切實之進步
 - 五以本國軍用品爲本位而以購買外國者爲參攷品使製造家知所感奮而動其仿造之觀念
- 出品方法

一 本物出品 例如武器服裝等項均可用本物出品

二 模型出品 例如標房掩堡兵艦馬匹等可用模型出品

三 實施出品 例如工兵工作等可用實施出品

四 照片及圖畫出品 例如軍隊及海陸軍學生起居之狀況操練之成績故可用照片及圖畫以爲出品即用本物模型出品者可用照片圖畫出品以互參考又如子彈出品可用本物而剖視形則非參用照片不可

五 列表及說略出品 例如各軍事局所之組織及軍隊學堂之成績及各項關乎軍事之統計均可用列表爲出品又非列表册所能詳盡者則用說略出品亦可

出品分類(凡應守秘密之件仍應遵守秘密)

一 陸軍出品

軍隊成績 陸軍用砲火及彈丸砲兵材料及車輛

工兵材料及器具 掩堡溝坑之模型 鐵道敷設

電信電話 橋梁 馬之裝具及蹄鐵 陸軍地學

二 海軍出品

海軍砲兵材料及車輛 軍艦模型及其附屬品

水事工作 攻擊及防禦之水雷魚雷 海上救助

海軍交通 海軍用各種器械圖籍


三 關乎經理之出品

歷代兵制 現行兵制 督練公所之組織方法及報告等陸海軍被服軍裝寢具紮營及廠舍器具 兵舍之

裝置及馬廐之喂養法 軍用糧秣及儲蓄保護法 軍樂

四 戰品出品

武器製造所之材料及製造法 彈藥爆裂藥及製造方法



蘇州絲紗廠第二圖

海國還丹

香港吳秀芝君自述患脚瘋腫痛為韋廉士大醫生紅色補丸所治愈

又述是丸如何醫治其母咳嗽並胸膈疼痛之症

脚瘋一症與風溼骨痛無二致焉其病狀即骨節發炎發熱痛如刀割皮膚漲結薄而且紅皆因血中含有酸質之

毒故也韋廉士大醫生紅色補丸醫治脚瘋之症與醫治風溼骨痛原無二理其功用即使其血鮮紅稠濃康健有

力以驅除其致病之有毒酸質也吳君秀芝為香港著名公和洋行之櫃夥友其來函云余三年前曾患脚瘋之

症雙脚腫痛莫可言喻常致數日臥床莫能興起偶欲動作須費巨力出外行走痛苦尤甚四余不勝軟弱步履之

形艱難祇能數武一止不克長行否則恐有顛蹶之虞耳有時常覺頭痛背痛慘酷難忍自知無他皆因血毒不潔

之故也自顧面無血色身乏肌肉瘦骨包皮不堪回首又兼大便澀結胃口

開補食不莫進以致形消骨立竟成爲癯弱無神之人矣雖經中外名醫悉

心診治然終不能除我痛苦立心鬱結傷悲幾無復原之望後閱新聞紙見

余遂依言服之覺是丸之功效於余疾更見爲神速焉蓋服後便覺腿即有

力身亦強健接連服之竟成爲康強無疾之人脚瘋從此全消諸痛爽然若

失直與平常強壯人無異矣且也頭不復痛背亦止痛胃口日增每餐甘甜

大便通順余深感韋廉士大醫生紅色補丸之功使余身安心樂有興趣有

精神快愉之私莫可名言未幾余母因患咳嗽胸膈疼痛咳之不已以改頭

像小君秀芝吳港香



痛余即以韋廉士大醫生紅色補丸與之服食其獲愈之功亦如余無異胸痛即止咳嗽全消而頭亦不復痛矣總

之韋廉士大醫生紅色補丸有功效於余一家者實非淺鮮余能表而出之以冀盡人皆知其妙哉○韋廉士大醫

紅色補丸無論男女老幼所患各疾皆能醫治其法即經過血中使全體充盈新血而有力焉在此二十年中已

會醫治無數之脚瘋腫痛風溼骨痛腰背疼痛左癱右換脚氣衝心腎骹痠痛腦筋衰弱胃不

消化肝經各病山林瘴氣乾溼癬癩瘡疥疔疹皮膚各症又曾醫治經水不調以及幼女壯婦所患

各種他症其功效之神奇有莫能盡述者矣中國各處商店藥局凡經售西藥之處均有代售或直向上海九江

路B字第八號韋廉士大醫生藥局中國總發行處購買亦可價銀每六瓶大洋八元每一瓶大洋一元五角遠

北洋官報

第二千二百七十七册

告白

上海九江路B字第八號韋廉士大醫生藥局啟

近郵費一律不取

商務印書館出版各書上海總發行所分館發售

欽定大清會典事例全書 版式大小謹遵

商務印書館恭印

會典 會典事例全書 進呈原本

是書前由敝館承印伏讀外務部進呈原奏有印造尙屬精工等語查王公京外大臣得蒙頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖十二函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年内先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今今年止凡二十五期其初義無故事朝野皆奉一憲政爲準繩爲國

爲民政府與議員各盡其道中間財政之抗爭法律之改訂或以爭執爲攻錯或以和衷爲救濟政府之待遇議會與議會之對付政府皆新立議會者必經之層折吾國現狀與此適合不但行政官與議員急宜人手一編以資觸發無論何人皆宜循覽庶知人民參政之實際全書分訂四册定價一元五角茲因諮議局不日開辦趕將前二册先行出版後二册七月出版預定者實價一元收到書價後即交前二册並付收條俟後二册出版時憑條取書特此預告外埠郵費照加

天津分館開設河北大胡同電話五百二十六號

天津商務印書館新書出版

和利地產實業有限公司告白

敬啟者本公司在河北新車站大馬路及西密窪楊橋一帶建築房屋業經落成大小公館店鋪樓房三千餘間現更添設菜場接修馬路建造橋樑南通老龍頭租界北接堤頭等處並開通溝渠交通極便衛生尤宜所有本公司房產經過之馬路均自行安設電燈及公共電話自來水倒土箱倒水桶與公共俱樂部公共餐堂公共廚房公共馬號並出賃各色中西傢俱大小鐵床四時花草凡賃住本公司房屋官商能享種種便利房價尤格外從廉每房一間按月收租洋二元本公司為提倡河北商務起見並蓋有大旅館大貨棧大舞台以及大小鋪面凡商家賃本公司鋪房經營商業者首先一月不收房金第二月只收半價第三月方照定價收納如有 官商欲賃住者請光臨大馬路人和里本公司帳房領看合宜面訂可也 電話一千六百十三號

奏辦京師自來水有限公司開北京正式股東會訂期廣告

啟者本公司自上年四月奉 農工商部奏辦期年以來各項工程漸有端緒約計年內可以開市售水亟應開股東會研究營業方針以期推行盡利復因南方股東路途遠未易北來赴會議事特擬於北京漢口兩處各開會一日業經呈部核准在案除漢口開會應俟擇定日期另登南方各報廣告外茲定於九月初五日下午二鐘先在北京前門內西城根本公司開正式股東會提議一切事件應請 諸位股東自九月初一日起至初三日止各帶股票赴本公司驗明填給入場券屆期即可持券入會如不先領入場券臨時礙難接待再股東領入場券時務祈將姓氏籍貫住址開示以便遇事通函再在北京赴會之股東不得再往漢口與會合併聲明謹啟

縱覽會

本月二十日至二十六日本場開第四次縱覽會前四日男客入覽後三日女客入覽每日由上午十二鐘至下午六鐘無論官紳士庶均可進場游觀藉開風氣不取分文

天津河北密窪實習工場謹白

新 啟 告廣司公限有灰洋



啓者本公司係承唐山洋灰公司老廠另購外洋最新式機器旋客等創設
 新廠自丁未臘月新廠開機以來出貨加增行銷愈廣灰質經本廠西洋化驗
 師悉心研究精益求精寄由德國國家柏林及日本關東都督府各化驗所
 驗得動力堅力及凝結時刻灰之粗細均合要工所用其成色與外洋最高之
 貨相等尚有機器製造之缸磚花磚洋灰瓦水溝管矸子土等項無論躉零交
 易均可本公司總理處設在天津海大道英租界並在北北京奉天大連烟台牛
 莊青島上海漢口南京鎮江各埠均設有經售處如蒙賜訂大批價值從廉
 交貨不悞期限所有洋灰及各種磚瓦等件重量式樣大概用法另刊有華洋
 文廣告不悞期限所有洋灰及各種磚瓦等件重量式樣大概用法另刊有華洋
 光顧諸君請向本公司索閱面議一切可也

德律風一千三百零九號

得利洋行

大小皮包法國洋號又新到轉盤換調話匣八音盒價格格外從廉仕宦官商尤願者請移玉紫竹林法租界本行面議可也

本行開設天津上海香港志呢華海參崴等處均設立有年諸班貨物由外洋本機器廠自造
 鐘錶皮套鐘表天文坐卦等鐘以及金銀夾金銅鋼等表約有二百餘宗並各樣表練金鑲珠
 鑽石戒指留耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鐘

本行主人啟

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢
 緞紗羅顧繡蟒洋貨布疋各色喇哩厚呢京廣什貨俱全貨高價廉劃一不二後廳內專售
 線貨織絨袍料衣包被套口袋線毯毛毯零賣均照行價發兌中外紳商賜顧移玉是幸
 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 礮化屏風鏡
 磁銅料器磁器 奇巧美術玩器 學界文房用品 旋行携帶等件 精工鑲身物料
 定鑲各色麗氈 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啓

本局印售各種書籍圖畫目錄

澄衷學堂字課圖說

天文歌略

地理歌略

地球韻言

小學韻語

蒙養學堂百課

最新初等小學國文教科書

初等中國歷史教科書

心算初學

最新初等小學筆算教科書

初等小學筆算教科書教授法

忠經

英文舉隅

東文典問答

地文學問答

皇朝政治學問答增校初二編

節本泰西新史攬要

筆算教科書

數學上編

普通新智識課本

中等植物教科書

中學礦物教科書

高等小學博物教科書

生理衛生學

化學教科書

中學地理中國誌

八本洋二元

一本洋三分

一本洋一角五分

一本洋二角

一本洋一角五分

一本洋四分

一本洋三角二分

二本洋一元

二本洋紙洋五角

二册洋三角四分

合售洋三角六分

一本洋紙洋五分

一本洋二角五分

一本洋二角五分

一本洋二角五分

二本洋五角

二本洋紙洋四角五分

二本洋紙洋四角五分

二本洋紙洋四角五分

二本洋一元二角

二本洋四角

二本洋紙洋七角五分

二本洋紙洋七角五分

二本洋四角

二本洋二角五分

一本洋紙洋四角五分

一本洋紙洋三角五分

四本洋六角

植物學教科書

皇朝政典舉要

萬國憲法比較一本

法學通論

萬國通商史

新爾雅

周禮幾暇格物編

康熙幾暇格物編

明夷待訪錄

普通教科書目提要

科學書目提要初編

心算教授法

萬國公法提要

甲辰年學報彙編一百種

乙巳年學報彙編

丙午年學報彙編

全年學報彙編

農學新書三十五種

日本栽桑捷法

美國養雞法

農務通聞

農務通聞

御製耕織圖

朝鮮輿地全圖

地球開闢次序圖

平頂地球圖

東三省鐵路全圖

一本洋紙洋二角五分

四本洋五角

一本洋紙洋三角五分

一本洋七角

一本洋二角

一本洋三角五分

二本洋四角

二本洋六角

一本洋二角

一本洋五分

一本洋一角五分

一本洋紙洋三角五分

四本洋一元

五十本洋二元七角

四十本洋四元二角

廿四本洋四元八角

廿二本洋五元六角

一本洋一角二分

一本洋四角

一本洋三角六分

六扇屏洋二元

二册洋五角

一册洋一角

一册洋一元

三十二張洋一元

一張洋八角

本局承辦印刷研究

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中外
 官商照顧頗加獎
 譽茲為推廣招徠起
 見自本年承印各
 項價目格外減讓以
 副官商雅意如蒙
 賜顧請至本局賬
 房面議可也

本局售報價目

本埠售價官報按日一冊每月三十冊收價銀六角零購者每冊洋銀二
 分
 法政學報十日一冊每月三冊收價洋六角零購者每冊二角
 兩種合購每月收洋一圓二角
 各州縣報價交銀者除額定銷數照舊收銀九錢外額外分購者統照本
 埠售價

本局告白刊例

登一日者每字取洋五釐 三日四釐 七日三釐五 十五日三釐
 一月二釐五 半年二釐 長年一釐五
 以上均按四號字起碼加寬行數照所佔面積計算
 登錄商標刻工另議
 三號字加半倍 二號字加一倍

前匯賑款甘省覆電廣告

賑撫局鑒感電悉甘災遠勞垂拯籌集鉅款謹率災黎叩謝公足銀八千
 兩已收到望轉致商會諸君及丁觀察為感此間疊次得雨秋禾茂茂可
 望有收各省捐款絡繹一時似已敷用並聞蕃蕪